

增補卷三

卷三之卷三

附補遺

尙友錄卷二十

祝

太原商音周武王封黃帝之後于祝因氏又祝史之後以官爲氏又望出河南

祝夜郎

漢武帝時中郎將唐蒙通西域入夜郎以爲犍爲郡初有浣女見三節竹流入足間中有聲剖得兒及長自爲夜郎侯

祝諫

宋慶歷中上臨軒賜進士第諫三男二壻俱同登

祝確

宋字永叔歙人朱熹外祖淳厚孝謹親喪廬墓一兄一弟先後死熙河不憚萬里徒步以歸其喪所舍輒悲號上食如禮夜寢柩側不忍暫去親舊有盡室病臥者確每旦攜粥藥徧飲食之

日以爲常凡遇貧乏輒傾財與之無吝色人多高其行父景先號二翁時稱長者景先兄女妻汪勃位至樞密確弟礪女妻汪勃之子作礪位至提刑故其鄉人相傳祝氏女最貴確子嶠字仲容

祝穆

宋字和甫景先三世孫幼孤與弟丙同從朱文公受業性溫行淳刻意問學下筆頃刻數百言以儒學昌其家所著有文類聚方輿勝覽諸書

谷

上谷羽音

谷春

漢櫟陽人成帝時爲郎病死而尸不冷三年更着冠幘坐縣門上人大驚家人迎之不肯發棺視有衣無尸置門上三宿去之長安止橫門上人知追迎之復去之太白山立祠於山上時來

至其山祠中止宿焉

谷永

漢字子雲建始初舉直言極諫之士永待詔公車對賢良策擢上第與婁護俱爲五侯上客長安語曰子雲之筆札婁君之唇舌言其見重用也終大司農父吉爲司馬

谷洪

浩國著荊州洪筆法十卷

谷 渾

南北字元冲折節授經廉直有操行魏太武器重之

谷 袞

南北昌黎人臂力絕人彎弓三百斤勇冠一時仕慕容垂至廣武將軍

谷 那律

唐魏州人淹質羣書褚遂良稱為九經庫貞觀中為國子博士遷諫議大夫高宗出獵遇雨問那律曰雨衣若為不漏對曰以瓦為之則不漏上因此不復出獵

郁

黎陽宮音魯相郁貢之後望出魯國今吳興有此姓

郁 繼善

宋深於醫術其砭熨之妙得之鳳陽劉伯淵伯淵得之太師竇文正公故學有淵源為時所重子孫皆以醫仕

穆

河內羽音宋穆公之後支孫氏焉

穆 生

漢魯人楚元王交少時與穆生白生申公授詩于浮丘伯後元正王楚以生等為中大夫敬禮之生不嗜酒每置酒常為設醴及王戊嗣位常設後乃忘設生曰可以逝矣醴酒不設王之意

意矣遂去

穆 商

漢著甲氣攝生論四卷

穆 觀

南北字國拔崇子少以文藝知名魏太武監國觀為右弼出則總攝朝政入則應對左右觀子壽壽子平國平國子顯五世襲封宜都王壽初受拜時辭曰臣祖崇所以得致功前朝流福

于後者梁眷之忠也今眷元勳未錄而臣獨奕世受賞心實愧之魏主悅求眷後爵其孫

穆 士儒

南北字叔賢崇立孫為太尉參軍事少好學無所不覽求天下書逢即寫錄所得萬餘卷魏末為散騎常侍

穆顗

南北弼弟有才力以侍御郎從太武征赫連昌勇冠一時拜司衛監又從太武敗崢山有虎突

鎮淳州

穆寧

唐肅宗朝爲侍御史居家嚴撰家令訓諸子人一通貞元中稱家法者言韓穆二門韓韓休也

員侍御史賞監察御史質與楊憑許孟容李鄴交善一時歆慕號楊穆許李

穆脩

宋字伯長師陳搏傳易學祥符初第進士時學者從事聲律未知古文脩爲之倡尹洙兄弟始

脩曰先生能讀一篇當以一帙爲贈自是無過問者爲文學參軍

卜

西河羽音周禮卜人氏以官爲氏又望出武陵河南

卜偃

周晉人獻公時爲掌卜大夫初公使荀息伐虢圍上陽問偃曰吾其濟乎對曰克之童謠云丙

交乎如期滅之

卜商

周字子夏衛人孔子弟子居文學科爲人篤實退而老于西河教授門人魏文侯師事之後世

以子夏爲聖嘗哭子喪明曾子以三罪責之

卜徒父

周秦之掌龜卜者也秦穆公十五年將伐晉使徒父筮之吉曰涉河侯車敗穆公疑問之對曰

貞風也其悔山也歲云秋矣我落其實而取其材所以克也
實落材亡不敗何待及戰三敗晉師于韓果獲晉惠公以歸

卜式

漢河內人以田畜爲事武帝朝願輸家財助邊召拜中郎初式不願爲郎令牧羊上林歲餘羊肥息上善之式曰治民亦猶是也惡者輒去母令毀群上奇其言拜緱氏令後爲御史大夫賜

爵關內侯

卜珣

晉字子玉少好讀書精易郭璞見而嘆曰吾所弗如也奈何不免兵厄珣曰然吾大厄在四十一位爲卿相當受禍耳不爾者亦猛獸所害已而果然

卜天生

南北天與弟少爲隊將十人同火屋後有一坑廣二丈餘十人共跳之皆度惟天生墜天生乃取室中苦竹刺其端便利交橫布坑內更呼等類共跳並懼不敢天生乃復跳之往反十餘次

曾無留礙衆並嘆服以兄死節爲孝武所眷注大明末爲戈陽太守

木

吳興商音端木賜之後因避仇改爲木又百濟八姓其一曰木氏

木華

晉字元康作海賦文章雋麗足繼前良爲楊駿主簿

木槩

晉著戰國策春秋十二篇

沐

沐德信

南北少孤過姊家姊具鵝黍以食之卒不受後爲三府長史名播異域

伏

太原商音伏義風姓之後子孫氏焉與任宿漢句頤史同祖又望出高陽

伏勝

漢濟南人秦博士文帝時求能治尚書者伏生時年九十餘老不能行使晁錯往受之得二十九篇今古文尚書是也

伏理

漢琅邪東武人時匡衡詩學精習理與師丹同受詩於衡官至高密王傳由是齊詩有師伏之學

伏湛

漢字惠公東武人伏生九世孫父理當世名儒湛少傳父業教授數百人更始時爲平原太守時天下兵起一郡賴湛以全光武徵拜大司徒封陽都侯又奏行鄉飲酒禮自伏生以來世傳

經學清靜無競故東州號爲伏不關十二子隆翁翁子光光子晨晨子無忌博物多識桓帝時自采古今刪註事要號伏侯註弟黯從子恭恭字叔齊湛兄子初湛弟黯字稚文以明齊詩改定章句作解

說九篇恭少傳黯學光武時除劇令遷恒山太守敦修學校教授不倦明帝臨雍拜恭爲司空儒者榮之肅宗行饗禮以恭爲三老湛孫晨謙恭博愛好學尤篤女孫爲順帝貴人無忌桓帝時與延篤

等著書
東觀

伏儼

漢字景弘琅琊人所著前漢書糾謬

伏咺

南北字玄曜梁武尊之爲五經博士二子挺字士標幼敏悟七歲通孝經論語及長博學有才思任昉見之曰此子目下無雙武帝至新村挺迎謁帝見之甚悅謂之頗子除南臺說書侍御

史有通說十卷
文集二十卷

伏適

唐著醫苑十卷

繆

蘭陵商音穆秦繆公之後

繆襲

唐著列女傳二卷

鞠宮音

鞠常

宋字可久高密人少好學擢進士為著作郎與楊徽之李若拙趙蟠幾有名于時所著有禮經二十卷子仲謀景德二十四賢中人端拱二年知連江大興東湖水利邑民至今德之

鞠杲

宋吳川進士也上書願入黨籍

鞠詠

宋擢進士以文受知於王化基化基參政首以詠薦天聖中為監察條上應變五事除天章待制

鞠嗣復

宋不知何許人宣和初知休寧方臘黨破縣欲逼降嗣復罵曰爾當去逆效順何為脅我使降自知必死不少懾賊曰我縣人也明府宰邑有善政我不忍委之而去

麴

吳西官音漢麴譚生閼避難居西平十一代孫嘉仕沮渠氏

麴允

晉金城人豪族也西州語曰麴與監牢筆下數頭南開朱門北望青樓允永嘉中累官至左僕射

麴珍

南北酒泉人善騎射以帳內從齊神武封安康郡王

麴

西平徵音今歷陽有此姓

麴崇裕

晉著郊祀集十卷

曲

曲環

唐陝州人喜兵法善騎射天寶中遷金吾大將軍德宗朝拜左僕射封晉昌郡王

曲端

宋紹興中名將善戰得士卒心既歿張曲端旗尤足以懾敵人

竺

東海微音本天竺胡人後漢歸中國而稱竺氏

竺晏

漢臨淄人以功封疑陽侯

竺法深

晉嘗在文坐簡劉尹問道人何以游朱門法深答曰君自見其朱門耳以貧道視之如遊蓬戶

竺大年

宋字耕道華化人性行嚴重理學淹貫家法嚴肅鄉人歸敬受業沈端憲公煥所著有禮記訂議等書

竺道生

宋詎鹿人年十五即登講座嘗游東吳虎丘山豎石爲弟子講涅槃經石皆點頭

服

西平商音周內史叔服之後以王父字爲氏

服虔

漢字子慎滎陽人有雅才善著文作春秋左氏傳解行世又著漢書及賦碑誄書記連珠九憤凡十餘篇靈帝時累九江太守虔將注春秋欲參考同異聞崔列集門生講傳遂匿姓名爲

列門人賃作食每當至講時輒竊聽戶壁間既知不能踰已稍共諸生敘其短長列聞不測何人然素聞虔名意疑之明早往及未寢便呼子慎子慎虔不覺驚應遂相與友善先鄭玄欲注春秋尚未成時

偶與服子慎遇宿客舍猶未識服在外車上與人說已注傳意玄聽之半與已同玄就車與語曰吾久欲注尙未了聽子向言多與吾同今當盡以所注與君遂爲服虔之注

服

閭

漢不知何所人常止葛往來海邊諸祠中有三仙於祠中博賭瓜顧令擔黃白瓜數十頭令瞑目及覺乃在方丈山方丈在蓬萊山南後往來葛取方丈山上珍寶珠玉賣之久久一日髡頭

著赭衣親更老人問之言坐取廟中物云後數年貌更壯好鬢髮如往日時矣讚曰閒遊祠三仙是使假寐須臾忽超千里納寶毀形未足多恥攀龍附鳳逍遙終始

宿

東平徵音伏羲風姓之後以國為氏又望出河南

宿石

南北朔方人祖若根魏明元賜姓宿氏石尚主拜駙馬都尉遷吏部尚書

叔

晉國晉桓公叔弓之後

叔弓

周晉大夫聘于晉晉侯使郊勞辭曰寡君使弓來繼舊好固曰女無敢為賓敢辱郊使請辭叔向曰子叔子知禮哉

叔詹

周鄭人管仲曰鄭有叔詹堵叔師叔三良為政

叔齊

周姓墨胎氏名致字公達孤竹君二子其父將死遺命立叔齊叔齊讓伯夷伯夷曰父命也遂逃去齊亦不立而逃之聞西伯善養老者歸焉及武王伐紂夷齊叩馬而諫左右欲兵之太公

曰義士也扶而去之殷亡恥食周粟俱隱首陽山遂餓而死

叔仲會

周孔門弟子進學廣業後世追封博平侯

復

復塗禎

周衛靈公近癰疽彌子瑕二人者專君之道以蔽左右塗禎以夢譏君君曰善於是因退癰疽彌子瑕而立司空洵

濮

晉國商音衛大夫食采于濮因氏焉望出東海

濮仲翁

漢宣帝徵時受詩于東海仲翁

鹿

徵音超大夫食采五鹿因氏焉

鹿皮翁

漢淄川人少精木工岑山上有神泉人不能到也翁于泉上作轉輪閣又于山巔作祠舍畱止其傍七十年一日下山呼宗族六十餘人上山半俄而溜水盡漂一郡後百餘年復賣藥于市

鹿愈

南北字永吉濟陰乘氏人好兵書陰陽釋氏之學什魏為黃門侍郎孝莊朝遷尚書左僕射志存謙退布衣糲食上加其清節賜以錢帛

玉

玉况

漢字文伯性明敏建武中為陳畱太守以德化人遷大司徒

肅

周卿士成公肅之後以諡為氏

肅詳

漢為雁門太守時初與郡守為銅虎符竹使符

犢

犢牧

周齊人年七十無妻見雉朝飛雌雄相隨撫琴而歌故鼓琴有雉朝飛操

慮

亦作宐與伏同

慮不齊

周字子賤魯人嘗宰單父所父事者三人兄事者五人友十一人鳴琴不下堂而邑治孔子稱之曰君子哉若人魯無君子者斯焉取斯後世追封單父侯初為單父宰過于陽晝曰子亦

有以送僕乎陽晝曰吾少也賤不知治民之術有釣道二焉請以送子夫拔綸錯餌迎而吸之者陽鱓也其為魚薄而不美若存若亡若食若不食者魴也其為魚也博而厚味子賤曰善於是未至單父冠

蓋迎之者交接于道子賤曰車驅之車驅之夫陽晝之所謂陽
儒者至矣于是至單父請其耆老尊賢者而與之共治單父

縮

縮

高

周魏攻管而不下安陵人縮高其子為管守信陵君使人謂安陵君曰君其遣高吾將仕之以
五大夫高聞之曰信陵君為人悍而自用也此辭反為國禍吾已全已無違為人臣之義也豈

可使吾君有魏患也乃止使者之舍刳頸而死信陵君聞高死服縞素
避舍使使謝安陵君曰無忌小人也困於思慮失言於君敢再拜釋罪

角

角若漢

漢角里先生之後

鬻

祝融之後

鬻

融

周年九十謂文王王曰嘻老矣答曰使臣捕獸
逐麋已老使臣坐策國事則臣尚少因立為師

蓼

阜陶之後封于
蓼以國為氏

蓼崇業

唐太原人右羽
林將軍晉陽公

目

目

夷

周字子魚宋襄公庶兄初桓公有疾襄公為太子固請曰目夷長且仁君其立之公命子魚子
魚辭曰能以國讓仁孰大焉臣不及也且又不順遂走而退及桓公薨襄公即位使子魚為司

二沃

續

雁門羽音晉大夫狐鞠居食采于續故謂之續焉姓苑云舜七友有續氏

續牙

上古舜七友

續咸

晉字孝宗上黨人性孝謹敦重履道貞素好學師事京兆杜預專春秋鄭氏易教授常數十人博覽群書高才善文論又修陳杜律明達刑書永嘉中仕為東安太守有治蹟所著有遠遊志

異物志汲冢古文釋各十卷

續武

晉注異物志

續豐

南北荊州人母老家貧無以充養遂不食肉詔給豐月米二斛錢一千

束

南陽羽音疎廣之後避王莽亂去足改為束

束哲

晉字廣微元城人察孝廉舉茂才皆不就太康中旱為邑人請雨三日雨注民歌之曰束先生通神明請天三日甘雨零我黍以育我稷以生何以酬之報束長生歷尚書郎後歸教授年四

十卒市里為之廢業門生故人為之立碑哲博學所著五經通論發蒙記補亡詩文集數十篇

束元喜

宋合肥人調通城簿毀淫祠正風俗攝縣令以政最聞後知秦州值歲饑賑濟有法全活者甚眾歷官樞密都承旨引老歸年九十猶課諸孫讀書至夜分不倦

束

莊

宋知萬州州舊多火災莊乃籍羨縉市材具屋通衢而瓦之築永防表火道其害始息

沃

太原羽音子姓殷王沃丁之後今吳興有此姓

沃

焦

漢吳人神仙傳

粟

江陵徵音漢有治粟都尉因以爲氏

粟大用

宋武宣人年九歲大中祥符間以通五經應童子科入見真宗奇之特補登左郎後至南雄太守

督

子姓宋大夫華父督之後望出亡郡

督君謨

隋善射

淥

水名

淥圖

上古顧頊師

三覺

樂

南陽角音宋微子之後戴公生公子衍字樂父子孫以王父字爲氏

樂羊子

周遠遊就師一年來歸妻跪問故羊子曰久行懷歸無他妻乃引刀趨機曰此織生自蠶蠶成於機杼一絲而累以至於寸累寸不已遂成丈正夫子積學當日知其所亡以就懿德若中道

而歸何異斷斯機乎羊子感其言遂還終學又羊子道拾遺金其妻引義勸還之後盜劫其姑操刀自刎太守賜帛葬以禮號貞義羊子爲魏文侯伐中山三年拔之文侯示以謗書盈篋封之靈齋子孫因爲家焉

樂

毅

周羊子之後自魏使燕燕昭王以爲亞卿後拜上將軍佩相國印率趙楚韓魏燕五國兵伐齊下齊七十餘城以功封于昌國號昌國君會昭王死惠王立惠王爲太子時常不快于毅及即位田單乃縱反間于王王果疑毅遂以騎劫代毅畏誅乃降趙趙封毅于觀津號曰望諸君惠王因騎劫敗悔失毅乃使人請毅而以書謝之毅報書詞語甚委婉於是燕以其子樂間襲昌國封毅往來復通燕燕趙二國以爲客卿竟卒于趙

樂

喜

周字正卿卽司城子罕也宋人或得玉以獻子罕子罕弗受曰我以不貪爲寶爾以玉爲寶襄王十五年宋平公築臺子罕請俟農功之畢築者謳曰邑中之黔實慰我心

樂

欬

周字子聲孔門弟子贈昌平侯

樂

巨公

周宋人其族樂毅顯名于諸侯而巨公獨好黃老恬放不仕及趙爲秦昭王滅巨公東之齊以老子顯名齊人尊之號稱賢師趙人田叔等皆尊事焉

樂

正子

周孟子弟子孟子嘗以善人信人稱之魯欲使正子爲政孟子爲之喜而不寐謂其好善優于天下而况魯國乎其爲孟氏所稱許如此

樂

叔

漢毅之孫也高帝求毅後得叔封之

樂

恢

漢字伯奇好經學爲世名儒和帝朝尙書僕射

樂

廣

晉字彥輔濟陽人善談論每以約言析理以厭人之心王戎爲荊州刺史舉爲秀才衛瓘見而奇之曰此人之水鏡也見之若披雲霧而覩青天累遷侍中河南尹後至尙書令女適衛玠有

奇

友

錄

卷二十一

樂

七

婦翁冰清有壻玉潤之語王平子胡母彥國諸人皆以任放爲達或有裸體者謔笑曰名教中自有樂地何爲乃爾

樂藹

南北字蔚遠幼時其舅宗慤取史傳一卷授之藹略讀具舉慤奇之仕梁爲御史中丞性公直居靈臺稱職

樂預

南北字文介明帝時爲永世令人懷其德卒于官時有一媼年可七十餘擔擲藪葉造車貨之聞預亡大泣棄溪中曰失樂令我輩孤獨老姥正應就死耳市人亦皆泣其惠化如此

樂頤之

南北字文德涇陽人仕劉宋爲京府參軍性至孝父在郢亡卽號泣徒步而往扶柩歸葬嘗得病忍而不言嚙被至碎恐母聞之哀已也吏部郎庾杲之往候之爲設食惟菜瓊而已杲之不

能食母出其膳杲之曰卿過於茅季偉愧我非郭林宗

樂運

隋字承業常願處一諫官錄夏商以及諫諍事業而部之曰諫苑奏上隋文帝深嘉之

樂彥章

唐爲西臺侍郎同平章事子思晦爲鸞臺侍郎同平章事父子爲相一時榮之

樂臺

唐主鬼谷子二卷

樂產

唐撰黃佐秘書五卷

樂史

宋字子正宜黃人母夢異人授五色珠而生史力學有文名南唐進士第一入宋復登甲科歷兩浙巡撫使釋遣賑饑民轉都官員外郎出知商州後判西京所著有太平寰宇記等書史知

陵州日獻金明池賦召爲三館編脩子黃目字公禮淳化初進士累官右諫議大夫知荆南府後知亳州卒黃目性柔簡默爲吏處劇亦無廢事所著有集五卷又撰學海搜奇等書其兄黃裳弟黃庭並

進士及第官至太常博士

岳山陽

岳飛

宋字鵬舉相州湯陰人初生有禽若鵬飛鳴屋上因以名之少負氣節沈厚寡言家貧力學尤好左氏春秋孫吳兵法未冠挽弓三百斤弩八石嘗學射于周同盡其術善左右射同死朔望

必露衣具酒肉詣同塚奠而泣引同所贈弓發三矢乃歸父知而義之曰汝爲時用其徇國死義乎靖康初金人南侵二聖北狩飛應募誓以忠義報國用兵能以寡擊衆建炎紹興間大小百戰未嘗一敗

南薰門之戰八百破五萬桂嶺之戰八千破十萬背嵬騎五百破兀朮十萬又平湖廣大盜如李成楊么等十數萬入覲上賜金絲戰袍金帶衣甲等御書于旗曰精忠岳飛兵至朱仙鎮金人巴有損燕以

南之懼時秦檜主和遂詔班師一日奉金字牌十二飛束向再拜曰臣十年之功廢於一旦非臣不稱職實秦檜誤陛下也竟爲檜所殺飛官至少保遇害時年三十九家屬盡流嶺外朝野冤之孝宗卽位

復其官爵以禮致葬追封鄂王謚武穆詔求訪其後子孫祿祿以上皆官之凡六人立廟於鄂號忠烈初隸雷守宗澤戰開德曹州皆有功澤大奇之曰爾智勇才藝古良將不能過然好野戰非萬全計因

授以圖陣飛曰陣而後戰兵法之常運用之妙存乎一心澤服其言每出戰敵人呼爲岳爺爺而不名後諸酋聞其死皆酌酒賀按飛性至孝母雷河北遣人求訪迎歸母有痼疾藥餌必親毋卒水漿不入

口者三日家無姬侍吳玠素服飛願與交歡飾名姝遺之飛曰主上宵旰豈大將安樂時却不愛玠益敬服帝欲爲飛營第飛辭曰敵未滅何以家爲或問天下何時太平飛曰文臣不愛錢武臣不惜死天

下太平矣師每休舍課將士注坡跳壕皆重鎧習之卒有取民麻一縷以束芻者立斬以徇卒夜宿民開門願納無敢入者軍號凍死不折屋餓死不虞掠卒有疾躬爲調藥諸將遠戍遣妻問勞其家死事

者哭之而育其孤或以子婚其女李寶自楚來歸韓世忠雷之寶痛哭願歸飛世忠以書來諭飛復曰均爲國家何分彼此世忠歎服好賢禮士覽經史雅歌投壺恂恂如書生每辭官必曰將士效力飛何

功之有然忠憤激烈議論持正不挫於人卒以此得禍長子雲年十二從征數立功飛輒隱之能以手握兩鐵椎重八十斤穎昌大戰數十入敵陣中甲裳爲赤以功授左武大夫與父弟同遇害弟雷授文

資死年二十三孝宗初贈安遠承宣使次子霖孝宗朝帥廣州道出章貢父老率子弟來迎垂泣曰不圖今日復見公子也中子震父飛討李成駐兵黃梅詔進屯洪州以士卒經擾攘之後他人莫可

懷輯因雷震彈壓後被槽禍變姓名匿大河民間子孫遂家焉至今遺有故宋敕命 五子霆雷雲與
難霖臨陣亡震霆潛駐黃梅故鄉賢舊祠有曰忠臣岳震然飛死於高宗紹興十一年至二十五年乙
亥上距辛酉十五載矣槽宿恨猶存惡岳州與飛同姓改爲純州子孫亦不敢以岳爲氏孝宗登極詔
錄其後與恩者祇厚徒嶺南雲雷支裔而此派不及震霆子孫在梅地者悉宗鄂姓人今析爲十三戶
鄂家云 霖子珂居彰德寧宗朝權發遣嘉興軍府兼管內勸農事有惠政嘗居郡治西北
金陀坊痛其祖飛爲秦檜所害作籲天辨誣天定錄等書總名金陀粹篇悅鄰錄程史等書

卓

西河徵音卓氏趙人也秦遷之蜀卓氏聞嶧山之下沃野下有蹲鴟至死不饑乃求
遠遷致之臨邛即鐵山鼓鑄富至家僮八百人田地射獵之樂擬於人君載貨殖傳

卓茂

漢字子康宛人父祖皆至郡守茂寬仁恭愛嘗乘車行有人認其馬解與之性不好爭如此後
以儒術舉遷密令教化大行道不拾遺蝗不入境有言亭長受米肉者茂曰亭長爲從汝求乎

爲汝有事囑之而受乎將平居自以思意遺之乎民曰往遺之耳茂曰遺之何故言耶凡人所以異于
禽獸者以有仁愛知相敬事也亭長數善吏歲時遺之禮也民曰苟如此律何故禁之茂笑曰律設大
法禮順人情今我以禮教汝汝必無怨惡以律治汝汝何所措其手足乎光武即位先求茂詔曰夫名
冠天下當受天下重賞遂拜太傅封褒德侯長子戎大中大夫次子崇以中郎給事黃門雲臺中人

卓恕

三國書還會稽辭太傅諸葛恪恪問何日復來至恕言某日至日恪爲主人停不飲食
欲以須恕賓客咸曰會稽建康相去千里道阻江湖風波難期俄而恕至一座盡驚

卓雲

唐河南人乾寧中及第作未明求
衣賦駕在華州詩問善如扣鐘詩

卓立

宋字志道福清人中特
科有西溪文集八十卷

卓田

宋字稼翁號西山紹興間文士也工小詞三衢買舟詞云奏賦謁金門行盡雲山無數倚
有江天一半買扁舟東去波神眼底識英雄閣住半空雨喚起半帆風力去青天尺五

卓彥恭

宋嘗過洞庭月下有泛舟一老翁棹其旁卓問有魚否答曰無魚有詩乃鼓柁而歌曰八
十滄浪一老翁蘆花江上水連空世間多少乘除事浪靜月明收釣筒問其姓氏不答